

www.BibleForChildren.org

मत्ती 26




ईसु फसह ना
तीवार ना छोव
दाड़ा पेले, बेतन्या मे
लाजर ना घोर ज्यो, जे
अदमी ने तीहयो मरला मे
सी जीवाड़लो हतो। तीहयी टेमे
मरीयम आदो लीटर घणु मोगु ईत्तर
लावीन ईसु ना पोगु पोर रेड़ देदी,
अने आहफी ना नीम्बाळा वेते
तीना पोगु नुछी, अने ईत्तर नी
ह्वादली गंद सी आखु घोर भराय ज्यु।



तत्तयार यहुदा ईसूकरीयोती जे ईसु ना बारे चेला मेनो एक हतो,
आहयोत चेलो मंदीर ना डायला पुंजारान्तां जीन केदो के “मे ईसु ने
धराव्वा मे तमारो सात देही।” ता तीहया
तीनी वात हमळीन घण-जबर खुस
हय ज्या, अने तीने आनी बदले पय्हा
आपवा करीन वायदो कर देदा।
अने तीहया ईसु ने धोको दीन
धराव्वा नो मोखो
होदवा बाज ज्या।




अने ईसु ना चेला जेम ईसु केदो, तेम कर्या,
अने फसह ना तीवार नु खाणु तीयार
कर्या। जतयार तीह्या खाणु, खावा बाज र्या
हता, ता ईसु हात मे रोट्लो धर्यो, अने रोट्ला
जुगु तु घणो वारु से कीन रोट्लो भांगीन आहफा
ना चेला ने आप्तो जाय्न केदो, “लेवो, आह्या
रोट्ला ने खाय लेवो, आह्यो रोट्लो मारु डील
से।” अळतेण ईसु पीयालो हात मे धरीन घणो
वारु से कीन चेला ने आह्यु केतो जाय्न
आप्यो, “तमु आखा
आनी मे गेथु पीवो।
काहाके आह्यो पीयालो
मारा वायदा नु लोय से,
जे आखा माणहु ना पाप नी
माफी नी लेदे वयवा वाळु से।”



ईसु पतरस ने केदो, “ए सीमोन! ए सीमोन! हमळ, भुतड़ो, तमने आखा
ने पारखवा करीन मांग लेदलो से के बगड़लु मे गेथु वारलु अलग करे,
जीसम कीरसाण गम मे गेथो चारो अलग करे। पण मे तारी जुगु वीन्ती
करलो से, काहाके तारो भरहो कम नी ह्यवा जोवे। अने तु पासो भरहो
करही ता आह्फा ना भाय ने बी भरहा मे लावीन वातड़ा करजे।”

सीमोन पतरस ईसु ने केदो, “मालीक, मे तारी हाते जेल मे जवा, अने
मरवा बी तीयार से।” पण ईसु

पतरस ने केदो, “ए पतरस
मे तने केम के तु आजेत
कुकड़ा वाहवा नी पेले,
तु तीन कावा मारो
नीकारो करही, के
आहया ईसु ने
जाणु तक नी।”



जत्यार ईसु चेला हाते गतसमनी
नाम नी वाडी मे आयो, ता
तीहयो आहफा ना चेला ने केदो,
“जत्यार लग मे हेले जायून
वीन्ती करीन पासो नी आवु,
तत्यार लग तमु आजेत बहजो।”
“ओ डायला बाह! ओ बाह! तारी
सी आखु कंय ह्य जाय; एतरे
आहया दुख ना पीयाला ने
मारीन्तां गेथो सेटो कर ले: ते बी
मारी मरजीन अनसारे नी पण
तारी मरजीन अनसारे ह्यवा दे।”



अळतेण यहुदो, रोमी सीपायडा नो टोळो लीन, अने मंदीर ना डायला
पुंजारा ना, अने फरीसी पंथवाळा माणहु ना लारे मोकल्ला मंदीर ना
रखवाळ्या सीपायडा ने लीन तीहयी वाडी मे आय लाग्यो।
तीहया दीवा, कंदल्या, अने हत्यार भेळ आवला हता। अने
तीहया चेला मायून एक चेलो, डायला पुंजारा
ना पावोर पोर तलवार नो झाटको दीन
तीनो जमणी धेडे नो कान्टो तोड
देदो। बाखीन ईसु केदो, “रेवा देवो,
घणु हय ज्यु।”




अने ईसु तीनो कान्टो छीमीन तीने वारु कर देदो अने
तत्यार ईसु डायला पुंजारा ने; अने मंदीर ना रखवाळी करन्या
सीपायडा ना डायला सीपायडा ने अने डायला
पुडारी ने, जे तीनी भणी जोर करीन आवला
हता। तीमने केदो; “तमु मने डाकु हमजीन
तलवार्या अने डींगा लीन
मने धरवा आय र्या हु?”



अळतेण तीह्या ईसु ने धरीन बांद लेदा, अने तीने तां गेथा डायला
पुंजारा ना घोर लीजवा करीन चाल पड्या। अने पतरस थोडोक सेटो
तीनी पसळ-पसळ जतो हतो। डायला पुंजारा ना घोर पुगीन
तीह्या माणहु आंगणा मे आकूठु
धपाडीन आकूठु नी च्यारो-मेर
बह ज्या। पतरस बी तीह्या
तापवा वाळा हाते बह ज्यो।



मोट्ला पुंजारा ना चाकर्या मे
गेथो एक, तीहया माणहु नो
हगलो हतो तीनो कान्टो
पतरस तोड़ देदलो हतो।
तीहयो केदो, “हु मे तने तीनी
हाते वाड़ी मे नी देख्यो?”
पतरस अळी ईसु नो नीकारो करतो
जायून केदो, “मे नी हया।”
अने ततयारुत कुकड़ो वाही देदो। अने
ततयारुत पतरस बारथो नीकळीन
पुकु-पुकु रड़वा बाज ज्यो।”




अळतेण आखी बठक ना माणहु उठीन उबा ह्य
ज्या; अने तीहया ईसु ने पीलातुस ने तां ली
ज्या। पीलातुस ईसु ने पुछ्यो, “तु युहदी
माणहुन राजा से हु?” ईसु जपाप आप्यो,
“होव, जेम तु केदो।” पण पीलातुस राजा ईसु ने
सोडवा हींडतो हतो पण एक
कावा अळी माणहु ने
हमजाड्यो। पण गडदी मे वाळा
माणहु पासा आडीन केदा,
“आने कुरुस पोर चडावो आने

कुरुस पोर चडावो!”




एतरे पीलातुस ईसु ने तीमना हात मे
आनीन करते होप देदो, के तीहया हीने
कुरुस पोर चड़ावे। ततयार तीहया ईसु ने
ली ज्या, अने तीहयो आहफा नु कुरुस
उचलीन तीहया जागान्तां तक बारो
ज्यो, जे “खोपड़ी नो जागो” अने ईब्रानी
बोली मे “गुलगुता” केवाय।



तां तीहया तीने अने अळी बे माणहु ने कुरुस
पोर चड़ाया, एक ने आंखर अने एक ने तींखर
अने वच मे ईसु ने।



अने दाहडु भबळवा बंद हय ज्यु तत्यार मंदीर मे वाळो पडदो फाटीन
बे टुकडा हय ज्यो। तत्यार ईसु ज्योरेत आझीन केदो, “ए बाह! हाव मे
मारो आत्मा तारा हात मे होप दम।” आह्यु कीन ईसु मर ज्यो।



अरीमीतीया हेर मे रेवा वाळो युसुफ नाम नो
एक माणेह हतो, अने आहयो युहदी जाती
ना पंचु नो नामहादयो मेहमर हतो,
अने आहयो भगवान ना राज नी
वाट जोवतो हतो; आहयो युसुफ
हीममूत करीन पीलातुस ने
तां ज्यो अने ईसु नो
धोड़ मांग्यो।

तत्तयार युसुफ
लेफडलु कफन नु लुगडु
वेचातु लेदो, अने धोड़ ने
उतारीन तीहया लुगडा मे
बांद लेदो, अने एक मडाट्या
मे मेक देदो, जे चाफर्या मे
खोदलो हतो। अने मडाट्या
ना झापला पोर एक मोट्लो
दगडो ढबळाय देदा।



अराम ना दाड़ा नी तीयारी ना बीजा दाड़े
डायला पुंजारा अने फरीसी पंथवाळा
भेळा हयून पीलातुस नी तां
जूया। अने केदा, “ए मालीक!
आमने फोम से के तीहयो धोको
देवा वाळो जतयार जीवतलो
हतो, ता केदलो हतो के
‘मे तीसरे दाड़े अळी
पासो जीवतो हय जही।’”



तीहया जूया अने मडाट्या ना झापला पोर
लागला दगडा पोर सील
लगाड देदा। अने मडाट्या
नी रखवाळी करवा बाज जूया।




अराम ना दाड़ान बाद हपूता ना दाड़े परगड़
फाटतेत मरीयम मगदलीनी अने बीजी
मरीयम मड़ाट्या ने देखवा आयी।
अने देखो, धरती हीली, काहाके
मालीक नो एक दुत हरगे गेथो
उतर्यो अने हाते आवीन
तीहयो दगड़ा
ने ढबळाय देदो,

अने तीनी पोर
बह ज्यो। तीना
बीक सी झापले पेहरो
देण्‍या काप उठ्या,
अने मरला हरका
हय ज्या।



हरगदुत बयराम ने केदो, “ना बीहो, मे जाणु के
तमु ईसु ने जे कुरुस पोर चड़ावला तीने
होदवा बाज री तीहयो आजे नी हय,
पण आहफा बोलु नी अनसारे
जीवतो हयलो से। आवो, आहयो
जागो देखो, जां ईसु मालीक
ने मेकला हतो, अने ममार
जायून तीमना चेलाम ने
केवो के तीहयो मरला मे
गेथो पासो
जीवतो

हय जेलो
से, अने तीहयो तमारी गेथो
पेले गलील मे जत रूयो, तां
तीने देखहु! देखो, मे तमने
देखाड़ देदो।”



अने तीहया बीक अने मोटी खुसी हाते मझाट्या मे सी
ममार पासी आवीन तीमना चेलाम ने खबर
आपवा दवड़ी पड़ी। ततयार ईसु तीमने
भेट्यो। अने केदो, “सुखी रेवो” तीहया
हाते आवीन अने तीना पोग
धरीन तीने वांद्या।



अळतेण जत्त्यार तीहया ग्यारे नेवताळा खाणु खावा बाज रेला ता ईसु
तीमने बी देखाव पड़्यो, अने ईसु तीमनो वण-भरहो अने मन नी ठटाय
देखीन वडतो जायून केदो, “जे मने जीवतो हयून बठो हयलो देखला,
तमु तीमनी वात पोर भरहो काहा नी कर्या?” ईसम करीन मालीक
ईसु तीमनी हाते वात कर लेदो, अने अळतेण तीहयो हरग मे उचलाय
ज्यो, अने भगवान नी जमणी धेडे जायून बह ज्यो।



भगवान आहूयी कळी सी एतरो मोंग करूयो, के
तीना एक-खोळ्या बेटा ने आप देदो के, जे कोय
तीनी पोर भरहो करे, तीहयो बरबात नी हये,
पण अमर जीवाय हात करहे।



रोमीयो 3:23 काहाके आखान-आखा पाप करला से, अने आखान-आखा
भगवान नी बड़ाय सी बाकता ह्य ज्या।

रोमीयो 6:23 काहाके पाप नी दाड़की ते मोत से, पण भगवान नो फोकट्यो
वाटो आपणा मालीक ईसु मसी मे अमरकाय जीवाय से।

ईब्रानीयो 9:27 अने जीसम माणहु नी लेदे एक कावा मरवा अने तीनी
बाद नीयाव नु ह्यणु से जरुड़ी से।

ईफीसीयो 2:8,9 काहाके भरहा ना लारे दया सीत तमु बचला से, काहाके
तमारी लारे नी ह्यु, पण आह्यु भगवान नो ईलाम से,

अने आह्यु तमारा कामु नो फोळ नी ह्य, के कोय मोटाय करे।

रोमीयो 10:9,10 आनीन करते कदी तमु आपणा मोडा सी ईसु ने मालीक
करीन मान्ता ह्य अने मन मे आह्यो भरहो करता ह्य के भगवान तीने
मरला मे गेथो जीवतो करलो से ता तमने छुटकारो जड़हे।



काहाके भरहो मन सी कराय, जीनु फोळ से धारमीक्ता अने मानवा मोडा
सी ह्ये जीनु फोळ से छुटकारो।

युहन्ना 3:16,17 भगवान आह्यी कळी सी एतरो मोंग कर्यो, के तीना
एक-खोळ्या बेटा ने आप देदो के, जे कोय तीनी पोर भरहो करे, तीहयो
बरबात नी ह्ये, पण अमर जीवाय हात करहे।

भगवान आह्फा ना बेटा ने कळी मे आनी लेदे नी मोकल्यो, के कळी पोर
डंड नो हुकम आपे, पण आनी लेदे के कळी तीनी लारे बचे।

1 युहन्ना 5:11-13 अने तीह्यी गवाय आह्यी से, के भगवान आपणु ने
अमर जीवाय आपलो से: अने आह्यी जीवाय तीना सोरा ईसु मसी मे से।

जीनी पांह ईसु से, तीनी पांह जीवाय से; अने जीनी पांह भगवान नो सोरो
ईसु मसी नी ह्य तीनी पांह जीवाय बी नी ह्य।

मे तमारी जुगु, जे भगवान ना सोरा ना नाम पोर भरहो कर र्या, आनीन
करते लीख र्यो; के तमु जाण जावो, के अमर जीवाय तमारी से।



मत्ती 26-28; लुका 22-24; युहन्ना 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Paliya Bible (bpx) © The Word for the World International
and Yisu Por Bherho Karanya Paliya Mandli, Rajpur,
Barwani, MP, 2025

<https://www.bible.com/en-GB/bible/2779/MAT.1.PPT2025>

©2026 Bible for Children, Inc.

www.M1914.org

www.bibleforchildren.org

